



एह आकाशवाणी जम्मू ऐ, बड्डलै खबरें च तुंदा सुआगत, पैहले खास-खास खबरें कन्नै में विजय बजाज ।

Headlines

- 1 ओमर अब्दुल्ला होरें जम्मू-कश्मीर दे मुखमंत्रि दे तौर पर कार्यभार सांभी लैता ऐ। उनें लोकें पर केन्द्रित शासन उपलब्ध करोआने ते सरकार ते लोकें बश्कार बिथ्ख खत्म करने दा वायदा कीता ऐ।
- 2 लेफ्टिनेंट गवर्नर मनोज सिन्हा होरें श्रीनगर च लेजेंड्स लीग क्रिकेट दा फाईनल मैच दिक्खेआ ते गलाया जे 36एं ब'रें परैन्त घाटी च अंतर्राष्ट्री प्रतियोगिता दी वापसी होई ऐ।
- 3 केन्द्री मंत्री डाक्टर जीतेन्द्र सिंह होरें भारत दे जलवायु सरबन्धी लक्ष्य हासल करने लेई सरकार , उद्योगें ते शिक्षा इदारें बश्कार सांझ-भ्याली दा आह्वान कीता ऐ।
- 4 रियासी दे जिला विकास कमिशनर होरें पोरकोटला पंचैत च सैलसफा गी बढावा देने ते इलाज-मुआलजे ते शिक्षा दिआं बेहतरिन सेवां उपलब्ध करोआने दा जकीन दोआया ऐ।



Chief Minister

ओमर अब्दुल्ला होरें कल जम्मू कश्मीर दे मुखमंत्रि दे तौर पर सगंध चुक्की। एह केन्द्र शासित प्रदेश लेई इक महत्वपूर्ण सियासी गतिविधि ऐ। सिविल सचिवालय पुज्जने पर उनें'गी गार्ड ऑफ ऑनर दित्ता गेआ। मुखमंत्रि होर जिसलै अपने दफतर आहली भेठा गे तां उंदा उत्थुआं दे अमले आसेआ जोरदार सोआगत कीता गेआ। अपने औहद्धे दा कम्मकाज सांभने परैन्त मुखमंत्रि होरें प्रशासनिक सचिवें कन्नै बैठक लाई। बैठक च उपमुखमंत्रि सुरेन्द्र कुमार चौधरी हुंदे अलावा मंत्रिएं जिंदे च स्कीना इत्तू आवेद अहमद राणा, जावेद अहमद डार ते सतीश शर्मा बी शामिल हे, बी मजूद रेय। बैठक च मुख सचिव अटल डुल्लु, पुलस दे डरैक्टर जनरल नलिन प्रभात ते मैहकमे दे प्रशासनिक सचिव शामिल होए। मुखमंत्रि होरें जम्मू-कश्मीर च शांतिपूर्ण चुनां करोआने लेई अफसरें दी सराहना कीती। उनें आखेआ जे लोकें गी सब्बनं शा पैहले रक्खने आहले नज़रिये कन्नै कम्म कीता जाना लोड़चदा ऐ। उनें आखेआ जे सरकार दा मुख मकसद लोकें दी सेवा करना ते उंदे मसलें दा हल करोआना ऐ। उनें सरकार ते लोकें बश्कार बिथ्ख गी खत्म करने पर बी जोर पाया।



PM Modi

प्रधानमंत्री नरेन्द्र मोदी होरें जम्मू-कश्मीर दे मुखमंत्रि दे तौर पर सगंध लैने पर ओमर अब्दुल्ला होरें'गी मुबारकबाद दित्ती ते गलाया जे केन्द्र सरकार जम्मू-कश्मीर दी तरक्की लेई उंदे कन्नै मिलिये कम्म करोग। ब'रे 2019 च दफा 370 हटाए जाने ते जम्मू-कश्मीर गी द'ऊं केन्द्र शासित प्रदेशें च तकसीफ कीते जाने दे बाद प्रदेश च पैहली बारी लोकें आसेआ चुनी गेदी सरकार बनी ऐ जेह्दे मुखमंत्रि दे तौर पर ओमर अब्दुल्ला होरें कल सगंध चुक्की।

<><><><><><>

LG Sinha

लेफ्टिनेंट गवर्नर मनोज सिन्हा होरें कल श्रीनगर दे बख्शी स्टेडियम च लेजेंड्स लीग क्रिकेट दा फाईनल मैच दिक्खेआ। उनें अंतर्राष्ट्री खड्ढारिएं, जि'आं इरफान पठान, युसुफ पठान, केदार यादव, विनय कुमार, मार्टिन गुप्टिल कन्नै गल्लबात कीती। उनें इस लीग दे आयोजन लेई सब्बनें अफसरें ते प्रतिभागिएं गी मुबारकबाद दित्ती। अपनी इक सोशल मीडिया पोस्ट च एलजी होरें लेजेंड्स लीग क्रिकेट गी कश्मीर घाटी च नमें जुग दी शुरुआत करार दित्ता। उनें आखेआ जे 36एं ब'रें परैन्त इस आयोजन कन्नै अंतर्राष्ट्री क्रिकेट प्रतियोगिता दी परतियै घाटी च वापसी होई ऐ।

<><><><><><>

Dr. Jatinder Singh

केन्द्रीय राज्य मंत्री डॉ. जितेन्द्र सिंह होरें भारत दे जलवायु बदलाव कन्नै निबड़ने सरबंधी लक्ष्येंग ी हासल करने लेई सरकारी उद्योग ते सिविल सोसायटी दी मजबूत म्याली पर जोर पाया। नमीं दिल्ली च इक शिखर सम्मेलन गी संबोधत करदे होई डॉ. सिंह होरें मुख्य दे सतत ते टिकाऊ विकास कन्नै वैश्विक जलवायु बदलाव कन्नै निबड़ने लेई अपने जतनें दी प्रतिबद्धता गी दोहराया। मंत्री होरें आखेआ जे इस कन्नै निबड़ने लेई फौरी तौर पर गैह पुट्टने ते फ़ैसले लैने दी लोड़ ऐ। उनें आखेआ जे एह चुनौती हुन इक गंभीर समस्या बनी चुकी दी ऐ ते एहदे पर फौरी कारवाई दी लोड़ ऐ। एह लोकें दे जीवन, अर्थबवस्था ते गृह दे भविष्य पर असर पारदी ऐ। उनें आखेआ जे भारत दी रणनीति दा आधार नमियां काहडां होंगन। उनें आखेआ जे सरकार शोध ते विकास लेई वचनबद्धता ऐ।

<><><><><><>

Commissioner JMC

जम्मू नगर निगम दे कमिशनर डाक्टर देवांश यादव होरें कल जम्मू दे केई मुंसिपल वार्डें दा दौरा लाइयै नगर निगम दी हद्दै अंदर नागरिकें गी उपलब्ध बुनियादी स्हूलतें दा जायजा लैता। उनें दौरे दरान कमिशनर होर अकलपुर, दुर्गाचक्क ते संग्रामपुर सने होरनें केई इलाकें च गे ते उत्थे लोकें कन्नै गल्लबात कीती। इस मौके पर उनें स्वच्छ भारत अभियान दे इक हिस्से दे तौर पर सार्वजनिक ते सामुदायिक शौचालयें दे निर्माण राहें साफ-सफाई दिएं सुविधाएं च बाददा करने दी नगर निगम दी वचनबद्धता गी फही पक्का कीता। डाक्टर देवांश यादव होरें समुदायें लेई जीन जीने दे मय्यार च बेह्तरी ते साफ-सफाई गी बढ़ावा देने च नेयी पैहलकदमिएं दे महत्त्व पर लोऽ पाई। उनें गलाया जे नगर निगम नमें कायम कीते गेदे मुंसिपल वार्डें च पार्क विकसित करने पर विचार करै करदा ऐ। इस मौके पर मुकामी प्रतिनिधिएं कमिशनर हुंदे'नै मलाटी करियै अपनियां मंगां उंदे अगगे रक्खियां।

<><><><><><>

Cooperative Societies

अतिरिक्त जिला विकास आयुक्त शेर सिंह होरें कल उच्ची सतह दी बैठक लाइयै जम्मू जिले च सहकारी सोसायटिएं गी मजबूत करने पर चर्चा कीती। बैठक च मैहकमे दे वरिष्ठ अधिकारी शामिल होए। इस दरान मुख्य करी ध्यान उनें ग्राम पंचैतें पर दित्ता गेआ जित्थे सहकारिता सरबंधी जतनें गी होर व्यापक बनाया जाई सकदा ऐ ते उंदा विस्तार कीता जाई सकदा ऐ। बैठक च

नकारा, बंद ते सुस्त पेदे पी.ए.सी.एस. गी चुस्त-दुरुस्त बनाने ते संसाधनें दे बेहतर इस्तेमाल सने मजूदा सहकारी समितिएं गी मजबूर करने पर जोर पाया गेआ।

<><><><><><>

DC Reasi

रियासी दे जिला विकास कमिशनर विशेष महाजन होरें पोरा कोटला पंचैत टीआरसी रनसू च आयोजित ब्लाक दिवस कार्यक्रम दी सदरत कीती। एह्दे च मुकामी लोकें बड़ी गे सक्रियता कन्ने हिस्सा लैता। लोकें आसेआ इस दरान केई सारी मंगें ते मसलें गी उजागर कीता गेआ जिंदे च सिडक संपर्क, अमले दी कमी ते पानी सप्लाई वगैरा ज्नेय मामले शामिल हे। जिला विकास कमिशनर होरें लोकें गी भरोसा दोआया जे उंदी जायज मंगें ते मसलें गी मुतल्लका प्रशासन अग्गे फौरी कार्रवाई लेई पुट्टेआ जाहग। उनें राई-बाई दे पूरे-पराते विकास सरबंधी प्रोग्राम, रोजगार सरबंधी जतनें ते सरकार दिएं होरनें दुइएं स्कीमें बारै लोकें च जागरूकता पैदा करने लेई खास शिविर आयोजित करने पर जोर पाया। उनें मुकामी लोकें गी आखेआ जे ओह खरी मती गिनतरी च नेय कार्यक्रमें च शामिल होन ते उपलब्ध मौकें थमां बद्धोबद्ध लाह् ठोआन। ब्लाक दिवस कार्यक्रम प्रशासन ते आम लोकें बश्कार सिद्दी गल्लबात लेई इक मंच उपलब्ध करोआंदा ऐ।

<><><><><><>

DC Poonch

पुंछ दे डिप्टी कमीशनर विकास कुंडल होरें कल अजोट च फलें दे बूहटें सरबंधी सरकारी नर्सरी दा दौरा लाया। इस दरान उनें बक्ख-बक्ख स्कीमें तैहत कीती गेदी कारवाइएं दा जायजा लैता। डिप्टी कमीशनर होरें पैदावार सरबंधे ढांचे दा जायजा लैता ते मैहकमे दे जतनें दी सराहना कीती। उनें जिले च पीकन नट ग्राएं गी बढ़ावा देने दियां हिदायतां जारी कीतियां।

<><><><><><>

Farmers Training

करसानें ते ग्रामीण नौजवानें दे हुनर च बाददे दे मकसद कन्ने तलाब तिल्लो जम्मू आहले कृषि भवन दे बाबा जित्तो किसान केन्द्र च द'ऊं दिनें दे सिखलाई कार्यक्रमै दा सरिस्ता कीता गेआ। इस मौके पर राई-बाई मैहकमा जम्मू दे डरैक्टर अरविंदर सिंह रीन होरें भविक्ख दिएं पीढ़िएं च खादय सुरक्षा लेई मिट्टी दे नरोएपन सरबंधी प्रबंधन दी महत्वपूर्ण भूमिका पर लोऽ पाई। उनें ऐलान कीता जे राई-बाई मैहकमा नमो ड्रोन दीदी स्कीम दे तैहत महिलाएं दे आप सहायता समूहें गी ड्रोन उपलब्ध करोआग। इस पैहलकदमी दा मकसद फसलें पर कीड़ेदार दवाइएं दा छिड़काऽ असरदार ढंगै सिर जकीनी बनाना ऐ जेह्दे कन्ने समें दी बचत दे कन्नो-कन्नी मिट्टी दे नरोएपन च सुधार होग ते महिला करसानें लेई कम्म-रोजगार दे मौकें च बी बेहतररीन होग।

<><><><><><>

Valmiki Jayanti

मुख्य भरै च अज्ज वालमिकी जयंति मनाई जा'रदी ऐ। इसी रामायण दे रचना करने आले महार्षि वालमिकी हुंदे जनम दिवस दे रूपै च मनाया जा'रदा ऐ। रामायण दे रचयिता महार्षि वालमिकी होर आहद कवि जां सुस्कृत भाषा दे पैहले हिव दे रूपै च बी सम्मानित न। वाल्मीकि समुदाय दे लोक उनेंगी ईश्वर दा संदेशवाहक मन्न्दे न ते उंदे प्रकाश पर्व गी श्रद्धा भावना ते जोश कन्ने

मनांदे न। इस मौके पर मुख्य भरै च केई आयोजत कीते जा'रदे न। मुखे दे केई हिस्से च कल इस सिलसिले च शोभा यात्रा बी कडिडयां गेइयां।

<><><><><><>

Cricket

भारत ते न्यूजीलैंड बशकार मजूदा क्रिकेट टेस्ट श्रृंखला दे पैहले मैच दे दुए दिनै दा खेड्ढ अज्ज बेंगलुरु दे विन्नास्वामी स्टेडियमै च शुरु होग। बरखा करी कल मैच शुरु नेहा होई सकेआ ते अज्ज मेद ऐ जे टॉस कीते जाने दे बाद मैच शुरु होग। भारती टीम हाल च गै बंगलादेश पर 2-0 दी जित्त दे कन्नै श्रृंखला दी शुरुआत करोग जदके न्यूजीलैंड दी टीम श्रीलंका थमां टेस्ट श्रृंखला सिफर-2 कन्नै हारने दे बाद मैदान च उतरा करदी ऐ।

<><><><><><>